

Newspaper	UTUSAN MALAYSIA
Date	22 NOVEMBER 2016

Dr. M pernah nasihat jangan sertai himpunan jalanan

Um - 22/11/2016

KUALA LUMPUR 21 Nov. - Bekas Perdana Menteri, Tun Dr. Mahathir Mohamad pernah menasihatkan Presiden Pertubuhan Pribumi Perkasa Malaysia (Perkasa), Datuk Ibrahim Ali agar berhenti melakukan dan menyertai perhimpunan tunjuk perasaan di jalanan.

Ibrahim yang merupakan aktivis pelajar sekitar 1970-an berkata, penyertaan Dr. Mahathir dalam perhimpunan Bersih 5.0 Sabtu lalu menunjukkan perkara bertentangan daripada pendirian asal bekas

pemimpin UMNO itu.

Beliau berkata, sewaktu kerap menjalankan perhimpunan jalanan, perbuatannya menerima kutukan daripada orang ramai dan Dr. Mahathir menasihatkannya untuk berhenti melakukan perkara itu.

“Yang berlaku sekarang adalah sebaliknya apabila orang yang kutuk dan menasihati saya itulah



IBRAHIM ALI

yang buat benda-benda macam ini sampai saya nampak semua sudah terbalik.

“Jadi, keputusan saya tidak sertai Bersih adalah atas teguran Dr. Mahathir untuk saya tidak melakukan itu dan ini. Jati diri dan pengalaman beliau banyak mengajar saya,”

katanya dalam sidang akhbar Persidangan Agung Tahunan Perkasa kali ketujuh di sini semalam.